



JAMHURI YA MUUNGANO WA TANZANIA

WIZARA YA MAWASILIANO NA
TEKNOLOJIA YA HABARI

Jarida La Mawasiliano

Toleo la Tano, 2021



TEHAMANA KWA
MAENDELEO YA
TAIFA LETU

TCRA YATAKIWA KUONGEZA KASI YA UTOAJI WA ELIMU KWA UMMA



Na Faraja Mpina, WMTH

Waziri wa Mawasiliano na Teknolojia ya Habari Dkt. Faustine Ndugulile ameitaka Mamlaka ya Mawasiliano Tanzania (TCRA) kuhakikisha inatoa elimu ya kutosha kwa umma kuhusu matumizi ya mtandao ‘digital literacy’ kwa kuwa mpaka sasa kiwango cha kuelimisha umma kinachotolewa na Mamlaka hiyo hakitoshelezi.

Hayo aliyazungumza Dkt. Ndugulile alipotembelea ofisi za Mamlaka hiyo zilizopo Zanzibar tarehe 11.03.2021 akiambatana na Waziri wa Ujenzi, Mawasiliano na Uchukuzi wa Serikali ya Mapinduzi ya Zanzibar Mhe. Rahma Kassim Ali, Makatibu Wakuu wa Wizara yake Dkt. Zainab Chaula na wa Zanzibar Amour Bakari pamoja na baadhi ya watendaji wa Wizara hizo.



Mkuu wa Mamlaka ya Mawasiliano Tanzania Ofisi ya Zanzibar Esuvatie Masinga akizungumza wakati Waziri wa Mawasiliano na Teknolojia ya Habari Dkt. Faustine Ndugulile alipozuru katika ofisi hizo akiambatana na Waziri wa Ujenzi, Mawasiliano na Uchukuzi wa Serikali ya Mapinduzi ya Zanzibar Mhe. Rahma Kassim Ali, Makati-bu Wakuu wa Wizara yake Dkt. Zainab Chaula na wa Zanzibar Amour Bakari pamoja na baadhi ya watendaji wa Wizara hizo.

“TCRA bado sijaridhishwa na ki-wango cha elimu ya matumizi ya mtandao mnayoitoa kwa umma na katika utoaji wa elimu kwa umma mkumbuke kuelimisha jamii kuhusu wajibu na haki zao ili wanapopata shida mitandaoni wajue wapite katika njia zipi”, Dkt. Ndugulile

Aidha, Dkt. Ndugulile ametoa maelekezo kwa TCRA kuimarisha mfumo wa ukaguzi wa vifaa vyakielectroniki vinavyouzwa na wafa-

nyabiashara ili kuthibitisha ubora na uhalali wa vifaa hivyo ikiwezekana viwekewe alama kuwa vime-kaguliwa ili kuhakikisha usalama wa vifaa hivyo kwa matumizi ya wananchi.

Katika hatua nyingine Dkt. Ndugulile ameielekeza TCRA kuhakikisha Shirika la Posta Tanzania linafanya kazi yake ya kusafirisha vipeto na vifurushi kwa kufuata sheria ya EP-OCA inayosema kuanzia uzito wa

O hadi 0.5 gms haruhusiwi msafirishaji yeote kusafirisha isipokuwa Shirika hilo na kuitaka TCRA kusimamia vema suala hilo.

Hata hivyo, Dkt. Ndugulile ameipongeza Mamlaka hiyo kwa kupoleta vifaa vya TEHAMA katika shule ya Sekondari ya wasichani ya Utaani iliyopo Wete Zanzibar kwa ajili ya matumizi ya wanafunzi na walimu wa shule hiyo, vifaa hivyo ni pamoja na kompyuta 10, printa, projekta pamoja na kuunganisha huduma ya mtandao katika shule hiyo toka mwaka 2016 na mpaka sasa bado vipo na vinaendelea kutumika.

Naye Waziri wa Ujenzi, Mawasiliano na Uchukuzi wa Serikali ya Mapinduzi Zanzibar, Mhe. Rahma Ali ameitaka TCRA waendelee na utaratibu wa kutoa elimu kwa umma juu ya matumizi sahihi ya TEHAMA huku wakijikita zaidi kwenye matumizi ya simu za mkononi.

Kwa upande wa Mkuu wa TCRA wa ofisi ya Zanzibar Esuvatie Masanga amesema kuwa Mamlaka hiyo inaendelea kujipanga vizuri katika utoaji wa elimu kwa umma na wiki hii tayari wameshatoa mafunzo ya matumizi ya TEHAMA kwa masheha 120 kwa Unguja na Pemba.

Kabla ya kutembelea TCRA Mawaziri hao wa pande mbili za muungano walikuwa na kikao cha pamoja kilichowashirikisha Makatibu Wakuu na wakuu wa taasisi za mawasiliano ambapo pamoja na mambo mengine walizungumzia hoja mbalimbali za mashirikiano katika utekelezaji wa majukumu mbalimbali kwa kuzipatia suluhisho changamoto na kuzibeba zile zinazohitaji ufuatiliaji kutoa Mamlaka nyingine ili kuendelea kuimarisha mashirikiano baina ya Serikali ya Jamhuri ya Muungano wa Tanzania na Serikali ya Mapinduzi Zanzibar katika Sekta ya mawasiliano.

MAFUNDI SIMU ACHENI KUFUTA IMEI NAMBA



Waziri wa Mawasiliano na Teknolojia ya Habari, Dkt. Faustine Ndugulile akizungumza na wafanyakazi wa Shirika la Posta Tanzania (hawapo pichani) wakati wa ziara yake mkoani Arusha. Anayesikiliza ni Postamasta Mkuu wa Shirika hilo, Hassan Mwang'ombe.

Na Prisca Ulomi, WMTH

Waziri wa Mawasiliano na Teknolojia ya Habari, Dkt. Faustine Ndugulile amewaasa baadhi ya mafundi simu za mkononi kuacha tabia ya kufuta IMEI namba wanapoletewa simu na wateja wao.

Dkt. Ndugulile ameyasema hayo wakati wa ziara yake ya siku ya kwanza mkoani Arusha wakati akizungumza na wafanyakazi wa Mamlaka ya Mawasiliano Tanzania (TCRA) wa mkoani humo alipotembelea taasisi za Wizara hiyo ikiwemo Shirika la Posta Tanzania (TPC) na Shirika la Mawasiliano Tanzania (TTCL) ya kukagua utendaji kazi wa taasisi hizo baada yakufikisha siku 100 tangu kuundwa kwa Wizara hiyo mpya.

Amesema kuwa baadhi ya mafundi simu wasio waaminifu wanatumika kufuta IMEI (International Mobile Equipment Identity) namba za simu za mkononi za wateja wao ili simu hizo ziweze kutumika tena amba-po kitendo hicho ni kosa kisheria na Serikali itawachukulia hatua kali mafundi watakaobainika kufanya tabia hiyo kwa mujibu wa Sheria ya Makosa ya Mtandao ya mwaka 2015 na Sheria ya Mawasiliano ya Kielectroniki na Posta ya mwaka 2010.

Amezungumza hayo baada ya kupokea taarifa kutoka kwa Mkuu wa Kanda ya Kaskazini wa TCRA,

Mhandisi Imelda Salum kuhusu mafunzo maalumu yaliyotolewa kwa mafundi simu 332 wa Kanda hiyo inayojumuisha mikoa ya Arusha, Tanga, Kilimanjaro na Manyara ambapo ameieleza kuwa mafunzo hayo yanayotolewa na Chuo cha VETA na Taasisi ya Teknolojia ya Dar es Salaam (DIT) na kufadhiliwa na TCRA yanawawezesha mafundi simu kujiepusha na vitendo vyta uhalifu hususan wizi wa simu na makosa ya mtandaoni; kurasimisha shughuli zao; kuzingatia weledi; kuwaweza-sha kutoa huduma nzuri kwa wateja na kusaidia Jeshi la Polisi kwenye masuala ya uhalifu hususan wizi wa simu.

Mhandisi Salum ametoa rai kwa wawekezaji wa sekta ndogo ya utangazaji kujenga studio za radio kwenye kanda hiyo kwa kuwa baadhi ya maeneo hayana usikivu wa redio wa kuridhisha na kwa kufanya hivyo kutachochea maendeleo ya wananchi kwa kuwa kanda hiyo ina fursa katika sekta ya utalii na hivyo vifaa na huduma za mawasiliano vinatumika ipasavyo

Katika hatua nyingine Dkt. Ndugulile ameielekeza TCRA kuangalia namna ya kupunguza gharama za usajili na utoaji leseni kwa wamili-ki wa runinga za mtandaoni (Online TV) kwa kuwa eneo hili linawapatia vijana wengi ajira na gharama za usajili na leseni ni kubwa.

Pia, ameielekeza TCRAwapunguze muda walioweka wa kuendelea kusajili wamiliki hao kwa kuwa mwishoni mwa mwezi Juni mwaka huu ni mbali.

Vile vile, amewataka wafanyakazi wa TTCL mkoa wa Arusha kuwa wabunifu na kuongeza wateja ili kukuza mapato ya Shirika hilo kwa kuwa mkoa huo ni mkoa wa kimkakati na wafanikisheni upatikanaji wa uhakika wa huduma ya intaneti kwa watalii wakiwa maneno ya mbuga za wanayama na waendeshe shughuli za utalii mtandao kwa kushirikiana na taasisi za Serikali zinazohusika na masuala ya utalii.

Aidha, amelitaka Shirika la Posta Tanzania kutengeneza na kuboresha mifumo ya uendeshaji wa Shirika ili kuhakikisha kuwa mifumo ya TEHAMA inayotoa huduma kwa wateja inasomana kuanzia mteja anapowasilisha barua yake, kifurushi au kupata huduma yoyote mpa-ka hatua ya kulipia na kuweka kumbu kumbu ya huduma iliyotolewa

kwa mteja aliyehudumiwa kwa kutumia njia ya kielektroniki badala ya kufanya huduma hizo kizamani kwa kuandika kwenye karatasi au kila kitengo kufanya kazi peke yake bila ya mifumo iliyopo kusomana na mifumo mingine.

Naye Postamasta Mkuu wa TPC, Hassan Mwang'ombe amemshukuru Dkt. Ndugulile kwa ziara hiyo na kuahidi kuwa watafanikisha maboresho hayo ili kuendana na kasi ya Serikali ya Awamu ya Tano ya kuhudumia wananchi kwa mtazamo wa Wizara mpya ya Mawasiliano na Teknolojia ya Habari ya kufanya kazi kwa Mtazamo Mpya, Utendaji Mpya.

Dkt. Ndugulile anaendelea na ziara yake mkoani Arusha ya kufuatilia utekelezaji wa majukumu ya Wizara na taasisi zake pamoja na kuhabarisha umma mafanikio yaliyopatikana ndani ya siku 100 tangu kuunda kwa Wizara hiyo mwezi Disemba mwaka jana.

DKT. NDUGULILE ATOA MAELEKEZO YA KUBORESHA MIFUMO YA TEHAMA NCHINI

Na Mwandishi wetu, WMTH

Waziri wa Mawasiliano na Teknolojia ya Habari Mhe. Dkt. Faustine Ndugulile ametoa maelekezo kwa Katibu Mkuu wa Wizara hiyo, Dkt. Zainab Chaula kuitisha kikao cha wataalamu wa mifumo ya TEHAMA siku ya tarehe 31/03/2021 kitakachoongozwa na wataalamu kutoka katika Wizara hiyo kwa lengo la kufanya tathmini ya mifumo ya TEHAMA ya kifedha iliyopo nchini.

Akizungumza katika kikao chake na waandishi wa habari katika ukumbi wa Bunge jijini Dodoma, Dkt. Ndugulile amesema kuwa amechukua hatua hiyo kutokana na Hotuba ya Rais wa Jamhuri ya Muungano wa Tanzania, Mhe. Samia Suluhu Hassan pamoja na ripoti ya Mkaguzi Mkuu na Mdhibiti wa Fedha za Serikali (CAG), Dkt. Charles Kichere iliyowasilishwa kwake kuonesha kuna changamoto katika mifumo hiyo na Wizara yake imechukua jambo hilo kwa uzito mkubwa.

“Nimemuelekeza Katibu Mkuu wangu kuchukua hatua za haraka

kwa kuitisha kikao cha wataalamu wa TEHAMA ili kufanya tathmini ya mifumo hiyo, idadi yake, changamoto za utengenezaji, uendeshaji na uendelezaji wa mifumo hiyo hapa nchini pamoja na changamoto ya mifumo hiyo kutosomana na kutobadilishana taarifa”, alieleza Dkt. Ndugulile.

Aidha, alisisitiza kikao hicho kuwahusisha wataalamu kutoka Ofisi ya Rais Menejimenti ya Utumishi na Utawala Bora; Ofisi ya Rais - TAMISEMI; Wizara ya Fedha na Mipango; Ofisi ya Mkaguzi Mkuu na Mdhibiti wa Fedha za Serikali; Mamlaka ya Mawasiliano Tanzania (TCRA); Shirika la Mawasiliano Tanzania (TTCL); Kituo cha Kuhifadhi Data cha Taifa (NIDC); Mamlaka ya Mapato Tanzania (TRA) na Mamlaka ya Serikali Mtandao (eGA).

“Natoa wiki moja kwa wataalamu hawa kufanya kazi jambo kubwa lililogusiwa na Mhe. Rais Samia Suluhu Hassan la changamoto ya mifumo hiyo kuruhusu mianya ya upotevu wa mapato na usalama wa



Waziri wa Mawasiliano na Teknolojia ya Habari, Dkt. Faustine Ndugulile akizungumza na waandishi wa habari katika ukumbi wa Bunge Jijini Dodoma. Kushoto ni Mulembwa Munaku, Mkurugenzi wa TEHAMA wa Wizara hiyo na kulia ni Prosper Minja, Afisa Habari wa Bunge.

wa mifumo hii na kutoa mapendekezo ya maboresho ya nini kifanyike ili kuhakikisha mianya hiyo inazibwa, usalama wa mitandao unakuwepo na kunakuwa na mifumo inayosomana ambayo haitaruhusu kupoteza mapato ya nchi”, alisitiza Dkt. Ndugulile.

Aliongeza kuwa Wizara yake itafanyia kazi mapendekezo hayo ikiwa ni pamoja na kuchukua hatua za kuboresha na yale ambayo yatahitajika kushughulikiwa na mamlaka ya juu yatachukuliwa na kupelekwa kwa hatua nyingine zaidi.

“Jukumu kubwa la Wizara hii ni kutoa miongozo, usimamizi wa mifumo , uendelezaji na kuhakikisha

nchi inakuwa na matumizi sahihi ya mifumo ya TEHAMA na usalama wake, mifumo mingi iliyokuwa intumiwa na Serikali ilikuwa inatoka nje ya nchi na fedha nyingi zilitumika kwa uendeshaji na kulipia leseni lakini kwa sasa zaidi ya asilimia 80 ya mifumo inayotumika nchini na ndani ya Serikali imetengenezwa na wataalamu wetu wazalendo”, alisitiza Dkt. Ndugulile.

Alisema kuwajukumu kubwa alilonalo katika Wizara hiyo ni kuhakikisha inajenga uwezo wa wataalamu wa ndani ya nchi kuhakikisha mifumo mingi inaweza kutengenezwa hapa hapa nchini katika ubora unaoendana na mahitaji ya nchi na usalama dhidi ya udukuzi ambao



Waziri wa Mawasiliano na Teknolojia ya Habari, Dkt. Faustine Ndugulile akizungumza na waandishi wa habari katika ukumbi wa Bunge Jijini Dodoma. Kulia ni Prosper Ninja Afisa Habari wa Bunge.

unaweza kufanyika kwa kutumia mifumo ya iliyotengenezwa mahali pengine.

“Naomba niwaambieni kuwa TE-HAMA ni sehemu ya siasa, biashara, ni masuala ya kiusalama na sisi kama Wizara tuna jukumu la kuhakikisha sekta za kiuchumi na fedha zinakuwa na mifumo imara,

sekta za huduma ya kijamii kama vile afya, elimu na maji zinakuwa na mifumo salama na sekta zinazohusika na mambo ya ulinzi na usalama nazo zinakuwa na mifumo salama ili hata pale panapokuwa na changamoto kuhakikisha huduma za nchi zinaendelea pasipo kuathirika”, alimalizia Dkt. Ndugulile.

DKT CHAULA ASISITIZA UWAZI KWA WATENDAJI WA TAASISI ZA MAWASILIANO ZENYE MATAWI TANZANIA BARA NA VISIWANI

Na Faraja Mpina, WMTH

Katibu Mkuu wa Wizara ya Mawasiliano na Teknolojia ya Habari Dkt. Zainab Chaula amewataka watendaji wa taasisi za mawasiliano zenyetumaini kutoa wazi kwa wananchi kwa maelezo ya kina kuhusu sheria, taratibu na miongozo mbalimbali ili kuondoa sintofahamu kwa huduma zinazotolewa na taasisi hizo zilizo katika pande zote mbili za muungano ambazo ni Mamlaka ya Mawasiliano Tanzania (TCRA), Shirika la Mawasiliano Tanzania (TTCL) pamoja na Shirika la Posta Tanzania (TPC).

Hayo ameyazungumza katika kikao cha Makatibu Wakuu wa Wizara ya Mawasiliano na Teknolojia ya Habari ya Jamhuri ya Muungano wa Tanzania (JMT)na Wizara ya Ujenzi, Mawasiliano na Uchukuzi ya Serikali ya Mapinduzi Zanzibar (SMZ) kilichofanyika tarehe 8.3.2021 visiwani Zanzibar.

asisi hizo zinatakiwa kuzifahamu, kuzielewa na kuzifanyia kazi sheria, taratibu na miongozo mbalimbalii ya utoaji wa huduma wanazozi-toa ikiwa ni pamoja na kuelimisha jamii kufuata sheria hizo bila shurti.

“Tulikuwa na hoja nane baada ya kuzichambua zimebaki tano, ambapo kimsingi ni masuala ya kuweka sawa kanuni, taratibu na sheria zetu pamoja na kuongeza uelewa kwasababu lengo kuu la kuzitunga ni kuhakikisha kuwa zinafuatwa”, Dkt.Chaula

Aidha, amesema kuwa kikao kilikuwa kizuri na wataalamu walijipanga vema katika kufanya wasilisho ambapo changamoto mbalimbali zilizowasilishwa zimechukuliwa na kuboreshwa na zitawasilishwa katika kikao cha Mawaziri wa Wizara hizo mbili kwa lengo la kuzifahamu na kuzitolea maamuzi ili wananchi waendelee kufurahia muungano.

Dkt. Chaula ameongeza kuwa, ta-

Kwa upande wa Katibu Mkuu wa ngazi ya watendaji.

Wizara ya Ujenzi, Mawasiliano na Uchukuzi (SMZ) Amour Bakari amesema kuwa kikao hicho ni mwendelezo wa vikao vya mashirikiano baina ya taasisi za mawasiliano za Jamhuri ya Muungano wa Tanzania na Serikali ya Mapinduzi Zanzibar ambavyo awali vilianza katika

“Kikao chaleo nichangazi ya Makatibu Wakuu, na yale yote yaliyojадiliwa katika kikao hiki yataapelekwa katika kikao cha Mawaziri wa Wizara hizi mbili kitakachofanyika siku ya alhamisi ya tarehe 11.3.2021 hapa Zanzibar”, Amour Bakari.



Katibu Mkuu Wizara ya Mawasiliano na Teknolojia ya Habari, Dkt Zainab Chaula akizungumza katika kikao cha Makatibu Wakuu wa Wizara za muungano ambazo ni Wizara ya Mawasiliano na Teknolojia ya Habari ya Jamhuri ya Muungano wa Tanzania (JMT) na Wizara ya Ujenzi, Mawasiliano na Uchukuzi ya Serikali ya Mapinduzi Zanzibar (SMZ) kilichofanyika tarehe 8.3.2021 visiwani Zanzibar.

**FOLLOW
US**

@Wizaramth

www.mawasiliano.go.tz





**Limeandaliwa na Kitengo cha Mawasiliano Serikalini
Wizara ya Mawasiliano na Teknolojia ya Habari
S.L.P. 677,40470 Dodoma, Tanzania
Barua pepe: ps@mawasiliano.go.tz
Tovuti: www.mawasiliano.go.tz
Instagram: Wizaramth**